

## Mellad 12 : Kleñved, mezegadur

Evezh a daolo ar gerent da chom hep kas ur bugel klañv d'an degemer troskol.

M'emañ ar bugel dindan vezegadur e ranko ar gerent reiñ al louzeier, en o boestoù orin, asambles gant ordrenañ orin ar mezeg da vuhezourien an degemer troskol. Evit a sell ouzh an allergiezhioù ouzh ar boued, e ranko ar gerent kas ur Raktres Degemer Hiniennekaet (RDH) a-raok an distro-skol evit ma c'hallimp degemer ho pugel.

## Mellad 13 : Muzulioù difrae ha sikour

Goulenn a reer digant ar gerent reiñ un aotre skrivet da implijidi an degemer troskol evit ma c'hallfent ober kement tra a zo ezhomm ma c'hoarvezfe ur gwallzarvoud gant o bugel pe ma kouezhfe klañv.

Reiñ a ray ar familhoù daveennoù ar mezeg boas ha re an dud da vont e darempred ganto.

Ma vez gwallzarvoudoù dizrouk e vez pellgomzet d'an dud a zo meneget o anvioù evel-se.

**Ma vez ur gwallzarvoud grevus pe strafuilhoù korf bras, e rank an implijidi gervel ar SEMEP\* (dre ar 15) hag ar saperien-pomperien (dre an 18). Diouzhtu e vo kelaouet an atebeg lezennel hag an dud meneget o anv. Evit se e ranker kaout daveennoù pellgomz reizhet dibaouez.**

- SEMEP = Servij skoazell vezegal prim

## Mellad 14 : Kemer perzh er mizoù

Ar sammad arc'hant goulennet digant ar familhoù zo lakaet dre un divizadeg gant Kuzul-kêr Pluguen. Lakaet e vez ar prizioù da dalvezout ne vern da bet eur en em gav ar bugel diouzh ar mintin pe ez a kuit diouzh an noz. Jedet e vez ar prizioù hervez korvoderioù ar familhoù. Ur gael prizioù a vo savet evel-se.

## Mellad 15 : Fakturrenniñ ha doareoù paeañ

Fakturrennoù a vez savet e dibenn pep miz gant servij kontouriezh ti-kêr Pluguen diouzh an devezhioù m'eo bet ar bugel en degemer, kontet gant atebeg an degemer troskol.

Gallout a reer paeañ ar fakturrennoù e meur a zoare : gant chekennoù war anv an Teñzor Publik (da gas da Teñzorerezh Kemper Kêr, 5 alez an Doktor Pilven, BP 1745, 29107 Kemper Cedex), pe dre lamadennoù emgfre, pe c'hoazh dre bellbaeañ TEPI pe gant tikedoù CHISH.

Ar paeamantoù gant arc'hant a vez resevet gant an Teñzor Publik er chomlec'h amañ a-us. Ma vez dle gant ar familh e vo adaptet an arc'hant, hervez lezenn, gant an Teñzor Publik.

## Mellad 16 : Harz-labour

Ma vez graet harz-labour gant holl skolaerien ar skol Sain-Antoine de Saint- Exupéry, ned aio ket an degemer troskol en-dro.

## Kumun PLUGUEN

### Reolennoù diabarzh an degemer troskol / Bloavezh-skol 2016-2017

#### Mellad 1 : Pal

An degemer troskol zo ur servij sokial a zo bet lakaet war-sav gant kumun Pluguen. Savet eo bet evit degemer ar vugale skoliataet er skol bublik Antoine de Saint-Exupéry e-pad ar mareoù troskol hag evit an div skol e-pad ar MOToù.

Ul lec'h diskuizh ha dudi eo an degemer troskol, pe e vefe e deroù an devezh skol pe da vare an distreiñ gant ar familh. Disklêriet eo an degemer troskol-mañ da Renerezh-departament Kenstaged Sokial Penn-ar-Bed. Ur raktres pedagogel zo termenet evit an aozadur hag an doare da zegemer ar vugale.

#### Mellad 2 : Lec'h ha daveennoù

E-barzh Ti ar Vugale Jules Verne, un ti hag a zo d'ar gumun, emañ an degemer troskol.

Diwallerezh	Ti-kêr
Lec'h degemer : Kreizenn Jules Verne, Straed Menez Izelañ 29700 PLUGUEN	Servij merañ : Straed Kemper 29700 PLUGUEN Pgz : 02.98.94.01.11 Plr : 02.98.94.02.94
Niv. pellgomz (pa vez digor ar skolioù) : 02.98.94.03.80	
Atebeg troskol : 02.98.94.03.80	

An holl lizheroù a sell ouzh mont en-dro an degemer troskol a c'hall bezañ roet pe kaset da atebeg an degemer troskol.

#### Mellad 3 : Deizioù hag eurioù digeriñ an degemer troskol

Mont a ra an degemer troskol en-dro bemdez pa vez skol da Lun, da Veurzh, da Yaou, da Wener ha da Verc'her (diouzh ar mintin ha da greisteiz) hervez an deiziadur skol savet gant Ensellerezh Akademiezh Penn-ar-Bed, d'an eurioù-mañ :

- **diouzh ar mintin, a-raok ar c'hentelioù, eus 07e30 da 08e45** (Ne vez ket mui degemeret ar vugale goude 08e35)
- **en endervezh e MOT/DECLICS : eus 1e45 da 2e30 bemdez evit ar re vras eus an div 2 skol hag eus 3e05 da 4e30 da Lun ha da Yaou evit ar skol bublik Antoine de Saint-Exupéry ha da Veurzh ha da Wener evit ar skol brevez Itron Varia ar C'hras.**
- **d'an abardaez, goude ar c'hentelioù : eus 4e45 da 6e45**

#### Mellad 4 : Enskrivadurioù

Bep bloavezh-skol, evit abegoù surentez ha kiriegezh, e vez leuniet gant ar familh un teuliad enskrivañ a sell ouzh an holl vugale a c'hallfe daremprediñ ar servij, ha pa vefe en un doare dizingal pe a-wechoù hepken.

En teuliad-se emañ an titouroù a zo ezhomm evit ober war-dro ar vugale ha meneget e vez ennañ an deizioù ma rakweler kas ar vugale d'an degemer. Miret e vez an teulioù-se gant an implijidi karget eus ar servij ha kuzh eo kement tra a zo ennañ.

## **Mellad 5 : Sternerezh**

E-pad an obererezhioù troskol e vez meret ar strolladoù bugale ha kaset e vez an abadennoù en-dro gant implijidi kêr (buhezourien ha skoazellerezed-mamm) hag a zo dindan aotrouniezh ar Maer, dre hanterouriezh an atebeg Bugale-Yaouankiz.

O vezañ m'eo bet disklêriet da Renerezh-departamant Kenstaged Sokial Penn-ar-Bed evel degemer dudi troskol eo termenet feurioù sterniañ reolik an degemer hervez lezenn, bezet ur buhezour evit 14 bugel dindan 6 vloaz hag ur buhezour evit 18 bugel en tu all da 6 vloaz. Teuler a ra evezh atebeg an degemer troskol ma vo doujet d'ar reolennoù-se.

Diouzh ar mintin e vez graet war-dro an degemer gant skoazellerezed-mamm ar skol bublik.

## **Mellad 6 : Atebegezh**

Dindan atebeg e implijidi sternerien emañ ar vugale degemeret e-pad mareoù digeriñ ar servij.

E-maez an eurvezhioù-se ne c'hall ket an dud-se bezañ lakaet kiriek eus nep tra, e mod ebet.

## **Mellad 7 : implijidi evezhiek en o c'homzoù**

An implijidi a labour en degemer troskol a rank bezañ evezhiek en o c'homzoù evit a sell ouzh an holl fedoù, titouroù pe teulioù o devez anaoudegezh anezho en embreg o c'harg.

Rankout a reont bezañ evezhiek en o c'homzoù ken e diabarzh ar servij ken en diavaez.

## **Mellad 8 : Divizoù degemer ar vugale**

### **✓ Diouzh ar mintin**

Degemeret e vez ar vugale gant an implijidi sternerien. Rankout a ra ar vugale bezañ asambles gant o zud pa erruont en degemer troskol. Da 8e35 ez eont kuit eus Ti ar Vugale ha kaset e vezont d'ar skol dre an hent bale gant ar skoazellerezed-mamm, evit bezañ fiziet er skolaerien.

### **✓ An *DECLICSoù***

Ar vugale enskrivet e *MOT/DECLICS* a rank bezañ enskrivet evit ar bloavezh ha gouestlañ a ra ar familhoù e vo o bugel war al lec'h en holl vareoù eus ar bloavezh lakaet e deroù ar bloaz. **Pep ezvezañs a rank bezañ disklêriet da atebeg an degemer troskol** evit gwarantiñ surentez an obererezh.

Evit a sell ouzh an degemer e *MOT/DECLICS* er skol Itron Varia ar C'hras e vez degemeret ar familhoù er skol gant ar skipailh buheziñ adalek 4e30 gm. Ar vugale n'eo ket deuet o zud da gerc'hat anezho en em gav dindan atebeg e degemer troskol a aparchant ouzh ar skol pe an AMKEK (Aozadur Merañ ar Gelennadurezh Katolik).

### **✓ Diouzh an abardaez**

**Da 4e30 e vez fiziet ar vugale er vuhezourien en degemer troskol ha da 3e05 en devezhioù *DECLICS / MOT***

Mont a ra ar strollad kuit eus ar skol da c'houde evit mont da Di ar Vugale ma vo servijet merenn-vihan dezho. N'eus nemet an dud meneget o anv war ar fichenn yec'hedel a vez aotreet da ober war-dro ar vugale. Evit ma ne vo ket direnket buhez ar strollad ne vo degemeret ar gerent nemet adalek 5e. En degouezhioù dreistordinal ma ne c'hall ket ar gerent dont da gerc'hat o bugale a-raok 7e e rankont kelaouiñ an atebeg an abretañ ar gwellañ (Ti ar Vugale : 06.70.27.36.06 / Ti-kêr : 02.98.94.32.18).

Ma n'eo ket deuet ar gerent pe an den kefridiet ganto da gerc'hat ar bugel pa vez serret an degemer troskol, e klasko atebeg ar servij mont e darempred gant ar familh, mod pe vod.

Ma ne zeu ket a-benn d'ober, e pellgomzo da archerien Plogastell-Sant-Jermen a lavaro dezhañ petra ober. Gwir zo gant ar gumun da nac'h ouzh ar gerent dont d'an degemer troskol, ma ne zoujont ket, re alies, d'an eur serriñ da 7e pe d'ar reolennoù diabarzh.

## **Mellad 9 : Reolennoù bevañ**

Ar mareoù degemer troskol a rank bezañ mareoù diskuizh ha plijus evit ar re vihan koulz hag evit ar re vras.

Evit se e rank ar vugale doujañ d'ar reolennoù, savet ganto hag evito, e-pad an holl vareoù degemer (degemerioù troskol diouzh ar mintin ha diouzh an noz, *TAP/DECLICS*, kreizenn-dudi hep herberc'h (KDHH) an ULBAM.

Gant ur spered kenlabourat evit desevel ar vugale e vo kendiviz etre ar skipailh buheziñ hag ar gerent. Ma vez ur bugel o'n em lakaat en arvar pe o lakaat re all en arvar, pe ma ne zouj ket d'ar reolennoù bevañ savet e deroù ar bloaz e c'hall bezañ skarzhet eus an degemer evit ur pennad pe da vat.

## **Mellad 10 : Deverioù skol**

Gant buhezourien an degemer troskol e vo kinniget d'ar vugale ul lec'h e-barzh Ti ar Vugale evit ma c'hallint ober o deverioù sioul. Gallout a ray ar vugale goulenn sikour digant ar vuhezourien.

## **Mellad 11 : Asurañsoù**

Asuret eo ar gumun ouzh ar riskloù a c'hall c'hoarvezout gant mont en-dro servij an degemer troskol.

Ret eo d'ar gerent kaout un asurañs atebeg evit ar gaou a c'hallfe o bugale kaout pe ober ouzh tud all e-pad eurvezhioù mont en-dro an degemer.

N'eo ket kiriek ar gumun ma vez kollet, laeret pe gwastet traoù personel (pe traoù a dalvoudegezh) degaset gant ar vugale.